



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1732. usque ad annum 1734

**Fleury, Claude**

**August. Vind. [u.a.], 1785**

**VD18 90119339**

§. 36. Parlamenti Parisiensis querelæ contra nuperum Regis edictum.

---

[urn:nbn:de:hbz:466:1-67683](https://nbn-resolving.org/urn:nbn:de:hbz:466:1-67683)

Sæc. XVIII. A.C. 1733. rent, hic idem Præsul hoc anno die  
 edidit Pastorales literas, & quibus  
 primam die decima Maij & altera  
 prima Julii. In utraque validis  
 pido argumentis demonstratum ibi  
 quod Parliamentis Nationes docent  
 Magisterium non sit demandatum, &  
 iudicibus Laicis res fidei dijudicari  
 potestas competat, nec ipsi, quid  
 fidei regula habendum, discernendi  
 habeant, his solide comprobatis  
 dicta anathematis pœna omnibus  
 Diæcesanis inhiuit, ne cuncta  
 Parlamenti decreta, sententias,  
 deductiones legant. Quo demum  
 cessu Zelosissimus hic Præsul causam  
 Domini propugnauerit, anno sequenti  
 recensibimus.

## §. XXXVI.

*Parlamenti Parisiensis querelæ contra  
 nuperum Regis edictum.*

**H**is Laudanensis Episcopi argumen-  
 tis Parlamentum unguem in ultimum  
 eo altius infigi sentiebat, quo certum  
 sibi persuasum habebat, intrepidum  
 hujus Præsulis animum fortius  
 incitatum ipso Regis edicto, quo non  
 palam declaratum, ejusmodi res  
 forum Parlamenti non pertinere.  
 ergo potestatis, quam sibi arrogabat.

imminuendæ periculum præverteret Sæc. XVIII.  
Parlamentum, die sexta Maij convo- A. C. 1733.  
catis omnibus Curiis Conventum ha-  
buit, in quo decrevere Patres, Regem  
esse adeundum, eique perdemisse expo-  
nendas esse rationes, propter quas nu-  
perum ipsius decretum acceptari haud  
posset. Aliquamdiu Parlamenti Patri-  
bus denegata est Regii alloquii copia,  
qua tandem obtenta die decima octava  
Maij suas rationes scriptotenus tra-  
dere jubebantur, quas Rex prælegi,  
& in sanctiore Senatu suo examinari  
præcepit: Cum autem inter alia Par-  
lamentum, ut Bullam *Unigenitus* exo-  
sam redderet, exposuisset, timendum  
esse, ne principia, quæ venerandis  
Monarchiæ principiis apprime contra-  
ria essent, in dogma fidei erigerentur,  
ipse D'Aquessous Cancellarius nomine  
& præsentis Rege Parlamenti Deputatis  
hæc reposuit: *Ejusmodi attentatum non  
minus Ecclesiam quam Regni Magistratus  
offenderet, Ecclesia enim Gallicana quovis  
tempore edidit argumenta illustria suæ in  
hac materia sententiæ; & ipsamet Vestra  
Societas in sua Deductione fatetur, quod  
Anno 1714. Episcopi omnium primi præ-  
cautiones, postmodum a Parlamenti re-  
ceptas, occasione propositionis in Bulla Uni-  
genitus condemnatæ, adhibuerint pro con-  
servatione nostrorum principiorum regni.*  
*Verum*

Sæc. XVIII. *Verum hæc præcautiones nec fuerunt ad-*  
A. C. 1733. *hibitæ nec potuerunt adhiberi, nisi contra*  
*eos, qui abutentes Bulla per falsam inter-*  
*pretationem, ac deducentes falsas con-*  
*sequentias possent insurgere contra jura sacra-*  
*coronæ, contra principia regni, & contra*  
*libertates Ecclesiæ Gallicanæ. Hæc tam-*  
*reservationes non impediunt, quin Mag-*  
*stratus instar aliorum fidelium quorumcum-*  
*que, in articulis doctrinæ ad religionem*  
*pertinentibus, teneatur se submittere dis-*  
*positioni, quæ per acceptationem illius ab Ec-*  
*clesia factam jam est Lex Ecclesiæ, præ-*  
*Rex observavit in sua Declaratione die*  
*24. Maij Anno 1730. Pensata tota re-*  
*serie Rex probe cognoverat, agere de*  
*summa Religionis Catholicæ, de Episcopali*  
*auctoritate, de libero Divini*  
*hujus auctoritatis exercitio, de juris-*  
*dictione Ecclesiastica, docendi, atque*  
*instruendi potestate, de deposito Sa-*  
*crorum Canonum, de Bulla dogmatica*  
*quæ in Ecclesia, & Regno in legem*  
*transisset, ac demum de Ecclesia, quæ*  
*vel in servitutem cogenda, vel pro*  
*dependente habenda esset. Circa om-*  
*nes vero hosce articulos laicis Judicibus*  
*nullam decidendi potestatem esse, quæ*  
*Episcopali dignitati auctoritatem ipsam*  
*a Deo commissam eriperent: His me-*  
*ture perpensis Rex Parlamenti Depu-*  
*tatis respondit, se vehementer mirari*  
*quod*

quod Parlamentum eo temeritatis pro- Sæc. XVIII.  
 laberetur, ut in defensionem nuperi A. C. 1733.  
 sui decreti præscriptos suæ potestatis  
 fines adhuc longius excederet, ac in  
 ipso suo decreto antea fecisset, quo-  
 circa se sententiam suam adeo non posse  
 revocare, ut potius illam contra de-  
 creti substantiam & modum pronuntia-  
 tam majore adhuc robore confirmare  
 adstringeretur: Nihilominus Parlamen-  
 tum a sua pervicacia retrahi haud pot-  
 erat, quinimo iteratis vicibus decla-  
 rabat, se Regis sententiam in tabulas  
 referre non posse; die etiam decima  
 Maij rursus Parlamentum omnes Cu-  
 rias convocabat, ac re in deliberatio-  
 nem vocata concludebat, Curias nun-  
 quam cessaturas, quominus omni tem-  
 pore omnique data occasione Regi ob-  
 oculos ponerent, omnino necessarium  
 esse, ut nequidem in dubium vocetur,  
 Regni Curiis competere hanc potesta-  
 tem, & sese totis viribus opponerent, ne  
 Constitutio *Unigenitus* pro fidei Regula  
 haberetur, hæcque prærogativa ex  
 ipsius natura nullatenus huic Bullæ  
 attribuenda esset. Verum hujus de-  
 creti, cum Patres illud publicum red-  
 dere non auderent, nulla habita est  
 ratio.

§. XXXVII.